

IN SOLEMNI CELEBRATIONE

Felicissimi Transitus

LEOPOLDI I.

ROMANORUM IMPERATORIS

Ad Immortalitatis Templum

EXPOSITUM

In Imperiali ECCLESIA Sanctæ MARIÆ
de ANIMA in Urbe.

ORATIO

Affistente Sacro Eminentiss., & Reverendiss.
DD.Cardinalium Collegio

HABITA

ET

JOSEPHO I.

AUGUSTISSIMO ROMANORUM
IMPERATORI REGNANTI

DICATA

A LAURENTIO VIGILIO DE NICOLLIS SACERDOTE

Nobili Tridentino Sac. Theol. & I.V. D.



ROMÆ, M.DCCVI.

Ex Typographia Georgii Plachi, Cælaturam Profitentis, & Fusoriam
Characterum Latinorum, & Peregrinorum in Platea
Ecclesiæ Sancti MARCI.

SUPERIORUM PERMISSO.

PROBATION DEPARTMENT

NEW YORK

IN RE: [Name]
[Address]
[City, State]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

[Text]

SACRA CÆSAREA MAJESTAS.



MICANS inter CAESARES tanquàm Planetarum Princeps LEOPOLDI Virtus palàm testatur, illos potiùs per hujus reflexi luminis participationem, quàm hunc propter illorum imitationem fulgere. Immediatus attamen LEOPOLDI Sanguis, atque viva institutio, specialia Dona Augu-

Aij

STISSI-

STISSIMAE MAIESTATI TUAE concesserunt Virtutibus,
quia à Paterno Fonte manantibus, non illum circa,
sed unà simul cum illo enitendi, ne terminum adeptæ
consistant, in FILIO verò uberrima irradiatione expli-
centur, quod temporis circumscriptio, aut sæculi vi-
cissitudines Genitori interdixere. Tanta, sublimis-
quæ Lux, in nebulam, meam nempe Orationem, ne-
scio quo incidit fato; ad refractum forsan jubar com-
modius intueudum. Hanc obsequii consilio ductam,
non temeritatis impetu ellatam Imperiali Throno
subjicio, spes fretus AUSTRIACAM CLEMENTIAM exper-
turam, Sol enim cum repercussio in nubibus radio,
Iridem effingit. Si benefico signo Splendor TUAE
MAIESTATIS illam decoraverit, erit objectum meæ
Venerationis.

*Humill. Obsequentis. Addictis. Servus ac
subditus Fidelissimus.*

Laurentius Vigilius de Nicollis.

ORA.



ORATIO.



HIC, Eminentissimi Principes, hîc tristis spatia-
tur luctus, hîc caliginosâ noctis Provincia
extenditur, hîc laureati Feretri grandescit
ædificium? quo Jure? Si vulgati consuetudine
admissa, undè consilium? Si pietatis Studio
excitata, undè officiorum disparitas? Si mor-
tis licentiâ intrusa, undè permissio? Millena
hujusmodi Sepulchralis imago cujusnam Symbolum? Jacentis
cadaveris deordinata fragmenta, cujus figura? in Pace compo-
siti Cineres, cujus mysterium? Miror, equidem, miror, attamen
non patiar talia hîc feriari. Mundum hunc lugubrem dis-
solvite, ceneria ornamenta abigite, infausti luminis faces, quæ
læthali corruscatione splendent, extinguite. Consultius, hîc
erat victrices palmas non solum dietim expandere, immortalis
lauro arte contextas, sed exacta radice, naturâ perpetuò tenere:
gloriosi nominis signo defecatum aurum, & quidquid nobilioris
formæ Terra molitur, studiosè condecorare. Video profectò
furentem Tracem, qui Christiano Orbi servitutem paraverat,
sæpiùs concussam: Video Civitates, Provincias, & Regna, Ro-
mano Imperio, tum ardua manutatione servata, tum post varios
casus, Postliminii Jure reversa: Video Ecclesiæ exaltationem,
promerentibus armis, & quod mirabiliùs heroicis promotam
Virtutibus: Video hæc omnia; sed quia Monumentis facillima
dissolutionis concredita, ægrè utiquè feram. Si temporum
infelix conditio, excelsi fastigii novas deornare pyramides non
concedit, Imperiali Majestati olim dicata Saxa reviviscant, quæ

A iij

liben-

libenter Terra de sinu emittet, & Sol iterum lætabitur contemplari. Si spes, licet dilata, ut par est, non aufertur, saltem hujusmodi spectris, larvisque erat valedicendum, ne gloriosa Emblemata obnubilata perhorrescant. Si dicitis, ut signa depositæ corruptibilitatis tantum admissa, ubi Imagines indutæ Immortalitatis irradiant, ubi solemnia peragit Elysiorum apparatus? Scandendum erat Cælum, à quonobiliora mutuanda. En vix tantum vocatum, promptuarium pandit, suppellectilia transmittit. Faceffant ergo mutabilia hæc, accedant quæ labefactari non patiuntur. Accipite primæ magnitudinis Astra, Taumantiam Irim, lacteamque Galexiam: Planetæ omnes, Luminaria ipsa libentiùs accurrunt: Disponite ad Campitollii formam, ad Amphiteatri structuram, in triumphalis curri fastigium: in hisce coordinandis Architectura Superbiet, in hac Symetrica proportionem, coaptandis Virtutibus Statuaria venustè laboret, & si Pictura adumbrationes peroptat, exantlatis ærumnis, vitiisque quassatis, utatur. Resonet undique tonitruorum festiva explosio. Cælorum concentus, Intelligentiarum Chitaris armonia regatur. Tantæ utique, tantæ molis est LEOPOLDI memoriam celebrare. Forfan non creditis? aspiciat, Templum Immortalitatis LEOPOLDUM vocavit, excepit, amplectitur non humana fors ad Tumulum deduxit: Gloria, ut Numinum Votis indulgeret, illuc LEOPOLDUM evexit, & forfan nobis immaturè abripuit: hoc tamen, plenis suffragiis, posito decreto, quod apud homines, vivat LEOPOLDUS uti CÆSARUM CÆSAR, apud Numina irradiet tanquam HEROS HEROUM. Auditores, potiùs date plausus, quàm argumenta exigatis.

Custodiebant LEOPOLDUM Numina, tum quia Austriaco traductum Sanguine, tum conscii, quia ad sublimiora vocatum. LEOPOLDUM erudiebat Rodolphus Austriacorum CÆSARUM turba conspectus, ut omnium imitator, Virtutes eorum fontibus hauriret non solum, sed simul annexas coronaret. Heroes illi, continuata successione, infausam olim vicissitudinem, quâ Imperialis Majestas cogeatur hinc inde de bonis ad malos divertere, ac difficiliùs ab his ad primos recurrere, funditus extirparunt. Eorum quilibet, (licet aliis non despectis) specialem Virtutem juxta temporum, morumque exigentiam viriliter promovit, itaut signanter ab illa coronatus refulset. Rodolphus Imperium quinque ferme lustris jacens, CÆSAREAM
MAJE-

MAJESTATEM à Regibus irrisione manumissam, dexterâ non ferro, sed Cruce armatus, antiquæ Venerationi restituit. Albertus dissectas usurpatione Provincias triumphali semper expeditione ad primæva Jura revocavit. Fridericus, quæ adversa fortuna pluribus hastis innixa minabatur excidia, Pacis artibus amovit. Maximilianus omnibus (quantò magis egenis) indistinctè beneficis, Divinæ Providentiæ acclamationes in populis excitavit. Aspicite, quæso adstant omnes: hic CAROLUS utriusquæ Emispherii Diademata feliciter tenens, & gloriosius dimittens. Illic Ferdinandus plures, quorum primus Hæreticorum propugnator, alter Christianæ fortitudinis simulacrum, alter perduellum Vindex: Omnes hi, cæterique pii, omnes Apostolicæ Sedi obsequentes; aspicite omnes distinctim prius, postmodum verò omnes In LEOPOLDO collectos: conferte cum illis LEOPOLDI Virtutes, quas aliis Pictura ostendit, vos tamen animo custoditis, & concludite, quot Heroes tulerunt sæcula, tot expressit eorum adaucta Virtus in LEOPOLDO, in quem unum aggregavit universa, quæ per alios non illiberalis dispersit. Dicite in uno LEOPOLDO Avorum Concilium contineri, in solo LEOPOLDO amplissimum Cæsarum Senatum coadunari; in uno enim LEOPOLDO tota sese virtus compendio inclusit, latèque postmodum simul Imperatorum omnium glorias explicavit: dicite quidem; quia nullius assentationis suspicio.

Virtutibus hisce omnibus decoratus LEOPOLDUS, Firmamentum Astris undiquè refertum æmulabatur: attamen Sol nondùm illuxerat. Quomodò; Virtutes omnes in unum aggregatæ, & ad supremum usquæ gradum evectæ, indigent adhuc uberiori lumine, cujus irradiatione corruscent? à quonam Horoscopo desideratus Phæbus expectandus?

Latebant in LEOPOLDO, aut non cognita, aut quantum decebat, non inspectæ Virtutes, quas Altissimus sibi probatas decrevit universis patefacere gentibus; & ut actu conspicuæ in Scenam prorumperent, occasionem admovit, quâ cunctas in unum exercendo, potuisset de seipso Victoriâ comparare. Hoc equidem Principibus arduum, profectò pœnes inaccessibile, quia Victoriâ de aliis in Principe est munus, de seipso proportionata Virtus.

Licentiam furenti Traci concessit, Pannoniam non solum, Germaniamque armis petitam laceffendi, sed AUSTRIÆ, Imperiique Metropolim obsidione tentandam, licet barbarum ad sui confusionem, nos verò ad correctionem limitata permissio latue-

latuerit. Asia tota ferro onusta, & diro Marte vexata, en Vienne salutatur: inopinato hostis accessu contremiscunt Cives, Populus quasi horrore tabescit. CÆSAR (lacrymabile visu) Patriam, Sedem, Avorum Cineres profugus relinquit; quibus copiis muniat arcem, quibus se in dubio itinere tuendum committat, planè destitutus. Dùm Linzium præruptè petit, ut se Passaviæ tradat custodiendum, primam à Viennæ discessu, in Campestri Tugurio pervigil transigit noctem, ubi nullum Triclinium, nullum cubile; stipulæ tantummodò ad reclinandum Regium JOSEPH AUGUSTÆ MATRI Stragmina ministrant. LEOPOLDUS Virtutis Majestate semper compositus astantibus inquit: *en quid sit Mundus* en quid sit Mundus? en, dicite Vos Auditores, quid sit LEOPOLDUS, in tanta exercitatione, quanta LEOPOLDI Virtus, exercitatio quippè Virum ostendit.

Funestas indè dirreptiones tristis undiquè fama denunciat; totus Christianus Orbis oculos in obsessam Vienne tenet defixos, quia in ea omnes Imperii Arces oppugnantur. Debilius sanguis tyrannidi macatur in victimam, Virorum fortium fidem servat incolumem: Vulgus declamat in Barbarorum sævitiam, nec desunt contumeliosi, qui tanquàm imeritum LEOPOLDUM infectantur.

Ad tantæ cladis subeundum pondus, quisnam satis? Univerfa Ecclesia, summo auspicante Pontificæ aspersa cinere, lacrymisquè soluta; preces pro LEOPOLDO effundit largiter, illi Omnipotentis manum adiutricem Sacrificiis invitat, illi exercituumque numen in Deum advocat protectorem. Tantis suffulta præfidiis LEOPOLDI Virtus, ad Aram procumbens, preces, quas olim ad Pestilentiam extinguendam, secutus David, effuderat, nunc suimet iterata immolatione revolvit: En, inquit, iuxta Crucem, LEOPOLDUM tua Dextera tactum, ò Mundi Redemptor: si in mei animadversionem furor tuus gladium distingit, in me solum spicula contorqueat, in me vulnera figat. Si uti Princeps, Populi in meis deliquerunt flagitiis, libenter Domini mei Jura dissolvo, ne meum per eos diffusum crimen, in eorumdem punitione plectatur. Diademata, quibus olim, Speculioris frugis, caput meum condecorasti, nunc submisce depono, ut ad digniorem translata, Imperium fulciatur relevator. LEOPOLDUS verò non tantum pro se, sed etiam pro Liberis à Regalibus abdicatus, sit expiationis hostia ad iram emulcendam.

Grande

Grande Sacrificium, ubi Diademata, & Sceptra maſtantur in viſtimam. Reſpexit Deus ad LEOPOLDI munera, decrevitque per Barbaros in cæptum bellum, Viſtoriarum ſerie à LEOPOLDO protrahendum, uſquequò Ottomanus extra Pannoniam circumſcriptus, ſubmiſſè poſtulata Pace, LEOPOLDUM dixerit ſupra ſe triumphatorem: depoſita Regnorum Jura cum ſanore rependit Deus, ad quæ Succeſſorem FILIUM deſſignavit. Hæc dona tamen, cæleſti revelatione non fuerunt LEOPOLDO detecta, ne auferret occaſionem merendi continuò per Fidem Speranti: alta hæc tamen Spes illi divino influxu confirmata habitu vigit, quæ pluribus actibus fuit tantùm concepta.

O magnæ Fiduciæ Vir LEOPOLDE. dic nunc quid optas? Si ut illum ſubjiceret Divinæ Voluntati Principem depoſuiſti, regnandi cupidine non infectum, quamvis juſtum potuiſſet Domini amorem ſovere, in Te exaltavit Omnipotens Principem, qui uti CAESAR CAESARUM, & tanquam HEROS HEROUM, ſit miro modo triumphaturus. Exurge igitur, Paſſaviæ valedicito, Imperialem repete Sedem; Altiffimus in Vandalorum, Germanumquæ manibus tractavit arma, quibus excidia ſua metuenti Viennæ ſuccurrit non ſolùm, ſed illicò mærore poſito, in ſpem novam erigi viſam, quod ſibi tantus Vindex obtigerit, Te incolumem recipiat Viſtorem. Per inviſſimum Regem, dupplici palma Strigonium expugnabit: per ſtrenuos Principes truceſ Budam horrore conſpiciendam, quia illic ſemper fracta Auſtriaca potentia, e barbarorum unguibus erripiet, Tibique aliis denegatam, concedet: per admirandæ fortitudinis tùm milites tùm Duces, quaſi fulmina hoſtium caſtra evertet, martemque ipſum in arenam educum, ſtrabit, multiplicis Viſtoriz trophæum: plurium annorum bellis in audacia enutritus exercitus, & ad triumphales palmas aſuetus, Pannoniam inferiorem ferro redemptam, ſuperiorem, punita ſeditione reſectam, bina Olympiade LEOPOLDO reſtituet, quæ AUSTRICIÆ Ditioni fuit per ſæcula dolo ſubtracta. Ante oculos vident adhuc præclara geſta, obſtrepens fama mundum conticuit, clari dies, æterno ſæculo adjuncti, rident adhuc. Vidimus & nos tandem patefactum Jani Templum fulmina in barbaros ejaculare, nobis verò exuberantis latitiz ſpectaculum perhibere.

Aſpiciebat Heroum Senatus ex alto Immortalitatis vestibulo LEOPOLDI feliciffima arma, undiquè evagare ad hoſtium uſque


usque depressionem: quilibet horum conferrebat illa suis rutilantibus gladiis, quos tamen inferiores fatebantur, quia omnes ipsorum conatus, non ultra defensionem valuerunt; ad limites verò ampliandos semper impares, quod, aut non tentatum, aut sine fructu semper irritum dimissum; ipsis rara Victoria crebris profligationibus labefactata, in cunabulis Statim exaruit: quando LEOPOLDO una Laurus viam sternebat ad alteram, prior palma Victiosi exercitus animos sollicitabat ad sequentem: concludebant omnes LEOPOLDUM gloriosum super omnes Cæsares Prædecessores; si hujusmodi expeditionibus dedisset præsentiam, procinctus inflammasset exemplo, & Ducis officium in se assumpsisset.

Verùm cum illos superna lux affulgens docuerit, quantum LEOPOLDI præcibus ante Agnum stantibus, Divina Clementia indulserit, statim revelato mysterio introspexerunt, LEOPOLDUM in militum manibus Oratione certantem, in Principum animis acies Oratione dirrigentem, in omnium exercituum conatibus hostes Oratione profligantem: undique LEOPOLDI latè diffusa Oratio inauguravit Victorias, ubique presens, tum militis, tum Ducis munia adimplevit; ideòque mutato consilio, LEOPOLDUM super omnes Cæsares plausibus exceperunt ovantes, in Albo Immortalitatis LEOPOLDI nomen Sacrarunt, qui non militando, non sedendo, sed semper triumphavit orando. Cur mirum, si quælibet Victoria præstulerit prodigium, si quælibet Palma ostentaverit portentum? non etenim sydera, non homines, non elementa sed, Manus Domini pro LEOPOLDO pugnavit, & vicit. Vicit Bello fortiter, Pace gloriosius triumphavit; Bello Provincias subegit, Pace ipsiusmet Sultani prostravit majestatem. Arrogaverat sibi Barbarus jura tum belli, tum Pacis, & tanquam utriusque Author, in uno potentiam Sanguine decorandam, in altero superbiam Hostiis placandam jactarat, ideoque Jurejurando temerato, cunctis se dixerat Legibus solutum: nunc verò inferior factus cogitur distensa carbasa colligere, & LEOPOLDO, cui armis, potentia, cessit, dono acceptis induciis, gloriam renunciare; sic Bellum Sacrilegio indictum, inglorius clausit humiliatione.

Horum omnium perlucidam Ideam, Altissimus supra LEOPOLDI vultum explicavit, quando ablegatus quidam Ottomanus eundem adhuc Infantem salutavit: horrens tunc Barba-

Barbarus protulit, LEOPOLDUM à Deo datum in Mussulmanorum perditionem, asserens hujusmodi vaticinium à physionomiae arcanis deductum, nescius à caelesti mysterio sibi revelatum.

Utinam alterum hujusmodi simulacrum LEOPOLDI ingredientis Templum Immortalitatis hic expansum, depositæ caducitatis gloriosa signa hæc illustraret! Utinam LEOPOLDI Virtutum omnium chorus, excelsæ tamen staturæ, in aperto profiliret! harum tanquàm signifera Justitiæ consociata præcurreret Clementia; suprema omnium moderatrix Religio, & ad Apostolicam Sedem prostrata LEOPOLDI Humilitas, medium teneant; indè reliquæ proportionato ordine distinctæ, ut Comiliones, & aulicæ consequerentur: in adversis scilicet Fortitudo, in prosperis Temperantia, erga subditos paterna Benevolentia, in agilibus prudens Magnanimitas, pro indigentibus liberalis Providentia, in insidiis ad necem usquè conspirantibus, quasi coacta Tolerantia, Beneficiorum facillima largitas, injuriarum evangelica remissio; aspiceremus, quid? Ejà tu pande Cælum, Virtutum LEOPOLDI sublime spectaculum! Jure non conceditur, quia LEOPOLDUS semetipsum nobis reliquit in FILIO: hoc enim habent proprii AUSTRIACÆ Virtutes, ut Indole, & exemplo, à Majoribus fluant in Liberos, in quorum postmodum exaltata imitatione, Prædecessorum omnium Gloriæ continuè explicentur.





I. Raimondi.

